

Edizione diplomatica

 Image not found https://letteraturaeuropea.let.uniroma1.it/?q=sites/default/files/styles/330px_public/5%20%26%29_3.png&tok=4jeeH4C0	Bernard. PEr meillz cobrir lo mal pens el (con)sire. Chant (et) deport (et) ai ioi (et) solaz. Et faz esforz gar sai chantar ni rire. Qar eu me muor (et) nuill senblan non faz. Et per amor soi si apoderaz. Tot ma uencut a forza (et) a batailla. Anc deus no fez travailla ni martire.
---	---

	Ses mal damor qeu no sofris en paz. Mas daqel son si ben pes a sofrire. Qamors mi fai amar lai on li plaz. Et dic uos tan qe seu no soi amaz. Ges no reman en la mia nualla. Midonz soi hom (et) amich (et) seruire. Et noill enqer mais des altraz amistaz. Mas qa celat los seus bels oillza me uire. Qe gran ben fan ades qan soi iraz. Et ren lor en laus (et) merces (et) graz. Qel mon non ai amic qe tan mi uailla. Molt mi sa bon lo iorn qan la remire. La boca els oillz el front els mans els braz. Et lautre cors qe re non es adire. Qe no sia bellament faichonaz. Gen cor de lei no pot faire beltaz. Per qeu men ai grant pena (et) gra(n)t trauailla. A mo talan uoill mal tan la desire. Et prez men mais qar eu fui tan ausaz. Qen tan aut loc aussei mamor assire. Per qe men soi cointes (et) enseignaz. Et cant la uei soi tan fort enueisaz. Ueiaire mes qel cor ues cel mi sailla. Deinz de mon cor en corroz em naz ire. Qar eu sec tan las mias uoluntaz. Mas negus hom no deu aitals res dire. Com no sagues com ses auenturaz. Qe serai doncs dels bels senblanz priuaz. Faillirai lor meill uoill qel mon mi failla. Ab lausengiers non ai ren a deuire. Qar anc per lor no fo rics iois celaz Et dic uos tan qe per mon escondire.
	Et ab mentir lor ai caniaz los daz. Bes es toz iois a perdre destinaz. Qe es perduz per la lor diuinailla. Corona mant saluz (et) amistaz. Et prec midon qe maiut (et) mi uailla.

- letto 398 volte

Source URL: <https://letteraturaeuropea.let.uniroma1.it/?q=laboratorio/edizione-diplomatica-2165>